

სარგბიელი

ენციკლოპედია
ბიზნისი

საერთოული გაზეთი

სამუშაოთი 16 დეკემბერი 2003 №239 (2010)


ფასი 50 თეთრი

ZIDANE!!!



ამას წინათ, ფიფამ მსოფლიოს 2003 წლის საუკეთესო ფეხბურთელობის პრეტენდენტთა სამეული რომ გამოაცხადა, ესპანური „მარკა“ დევიდ ბეჩემს აზრს დაეკითხა. ინგლისელმა, ანრი უნიჭიერესია, მეგობრებს (რონალდო, ზიდანი) შორის არჩევანის გაკეთება კი მიჭირს, მაგრამ სანაძლეოს ჩამოვალ, საუკეთესო ზიდანი გახდება. გახდა კიდევ მსოფლიოს 142 ქვეყნის ეროვნულ ნაკრებთა მწვრთნელების უმეტესობამ მადრიდის „რეალის“ ფრანგი გენიოსი სხვებს არჩია და 264 ქულით პირველობა არგუნა. ეს ამბავი გუშინ ბაზელში, ფიფას მოწყობილ გალაზე გაცხადდა. იქვე გაირკვა, რომ „არსენალის“ თავდამსხმელ ტიერი ანრის მეორე ადგილი ერგო, ხოლო შარშანდელი გამარჯვებული, ბრაზილიელი რონალდო ამჯერაზე მესამეობას იკმარებს. აქვე ისიც ვთქვათ, რომ ზიდანი მესამედ გახდა მსოფლიოს საუკეთესო ფეხბურთელი და რონალდოსთან ერთად საზიარო რეკორდის მფლობელი შეიქნა. ზინედინ ზიდანი საუკეთესოდ მიიჩნია ფიფას ვერსიით საქართველოს ნაკრების მთავარმა მწვრთნელმა ალექსანდრე ჩივაძემაც. დიას, ჩივაძემ და, საქმეს ისეთი პირი ხომ არ უჩანს, 2004 წლის გამოკითხვაში ფიფას ვინძლო, ისევე ჩივაძემ უპასუხოს?!

REUTERS პაზულოდან



ფიფას გამოკითხვის 2003 წლის ხუთი რჩეული

- 1 ზინედინ ზიდანი (რეალი, საფრანგეთი) 264
- 2 ტიერი ანრი (არსენალი, საფრანგეთი) 186
- 3 რონალდო (რეალი, ბრაზილია) 176
- 4 პაველ ნედევი (იუვენტუსი, ჩეხეთი) 158
- 5 რობერტო კარლოსი (რეალი, ბრაზილია) 105

ალექსანდრე ჩივაძის სამეული ზიდანი, ნედევი, ვან ნისტალროი

სასამართლო სპალან მოვა

კიდევ ერთი სიხის ღამე



გაღრი კატილუაჩის ფოტო

NBA გზინდა, თორემ მაკე-დონეა



ნუგზარ კანდელაის „ბასკომ“ დრაჟენ ბრაიკოვიჩის და მის „დინამოს“ ზამთრის ჩემპიონობა აართვა

წლობით შეუკრებელმა საქართველოს ნაკრებმა მომავალი მეტოქეები დაინახა. სანაკრებო ევროპის ფსკერზე დალექილ საქართველოს ეროვნულ გუნდს ბელგრადში გამართულმა კენჭისყრამ პირველ მოწინააღმდეგეებად ლუქსემბურგი, ფინეთი და მაკედონია შეახვედრა. დრაჟენ ბრაიკოვიჩის შეპირებული სუპერნაკრები 2004-05 წლებში ამათ ყველას თუ დაამარცხებს, შემდეგ კიდევ ერთ, ჯერჯერობით ინკოგნიტო მეტოქეს გასცდება, მოიპოვებს ნანატრ უფლებას, 2007 წლის ევროჩემპიონატის შესარჩევში უძლიერეს გუნდებთან ბედი სცადოს. აი, რა მრუდედაა საქმე. პირველი მეტოქეებიდან კი გამოსარჩევია მაკედონია, რომელიც, რაც უნდა იყოს, იუგოსლავიის ნასხლეტია და 1999 წელს ევროპის ფინალშიც უთამაშია.

საქართველოს ნაკრების ხელმძღვანელობა, როგორც ყოველთვის, ოპტიმისტურადაა განწყობილი და ტრადიციულად გვიპირდება საქართველოში ყველა ლეგიონერის და მათ შორის „ამერიკელების“ ჩამოყვანასაც. ალსანიშნავია, რომ ვოვა სტეფანია სამშობლოში აგერ, მეხუთე წელია, არ ჩამოსულა, ხოლო ნიკა ცქიტიშვილი მესამე.

ამასობაში ნაკრების თავკაცმა დრაჟენ ბრაიკოვიჩმა დარტყმა განიცადა „მცირე ფრონტზე“ — საქართველოს პირველობაზე: რეგულარული ჩემპიონატის პირველი ნახევრის ბოლო მატჩში მისმა „დინამომ“ ბათუმში პრინციპული თამაში დათმო მთავარ კონკურენტ „ბასკოსთან“.

მოგავალი წლიდან სარგბიელი ორშაბათსაც გამოვა

გურამ დოღუნაშვილის ფოტოები

გამორიცხული არ არის, საქართველოს ფეხბურთის ფედერაციის პრეზიდენტი მერაბ ჟორდანიას ხვალ დროებითი პატიმრობიდან გაათავისუფლონ. მისმა ადვოკატმა ზურაბ როსტიაშვილმა გუშინ საოლქო სასამართლოში კრწანისი-მთაწმინდის სასამართლოს გადაწყვეტილება გაასაჩივრა და ჟორდანიასთვის აღმკვეთი ღონისძიების შეცვლა მოითხოვა

30 დღე მერაბ ჟორდანიას ხილვს ერთი ხვალ სასამართლოს მოლოდინში გაათენებს



მერაბ ჟორდანიას მიძიე მოლოდინი

შეგახსენებთ, ფეხბურთის ფედერაციის პრეზიდენტს პარასკევს სამთვიანი პატიმრობა მიუსაჯეს. მერაბ ჟორდანიას საბიუჯეტო გადასახადებისგან თავის არიდებაში ბრალდებული. კრწანისი-მთაწმინდის სასამართლომ მიიჩნია, რომ საქმის საბოლოო გამოძიებამდე ჟორდანიას შეიძლება მიმალულიყო და სამთვიანი პატიმრობა შეუფარდა. პარასკევს პროცესზე მოსამართლე მამუკა სონღულაშვილმა ბრალდებულს გირაოს სახით 247 ათასი ლარის 22 საათიდან 8 საათამდე გადახდა შესთავაზა, ანუ იმ თანხის მესამედისა, რასაც ჟორდანიას ედავებოდა. ფედერაციის პრეზიდენტი დროის ამ მონაკვეთში 247 ათასის გადახდას ვერ შეძლებდა, თავის მხრივ კი სასამართლოს 150 ათასი შესთავაზა. სონღულაშვილმა ჟორდანიას წინადადება არ მიიღო და სამთვიანი პატიმრობაც შეუფარდა.

პრეზიდენტის მხარემ კრწანისი-მთაწმინდის სასამართლოს გადაწყვეტილება არაობიექტურად მიიჩნია და დაუყოვნებლივ გაასაჩივრა. ზურაბ როსტიაშვილი ამბობს: „იმ ბრალდებაზე, რაც მერაბ ჟორდანიას აქვს წარდგენილი, კრწანისი-მთაწმინდის სასამართლოს აღმკვეთი ღონისძიებად პატიმრობა არ უნდა გამოეყენებინა. სისხლის სამართლის საპროცესო კოდექსის 151-ე მუხლის თანახმად, აღმკვეთი ღონისძიებად დაპატიმრების შეფარდება შესაძლებელია მაშინ, როცა პიროვნებას ჩადენილი აქვს განსაკუთრებით მძიმე ან მძიმე დანაშაული, ასევე, თუ არსებობს დასაბუთებული ვარაუდი, რომ ბრალდებული დაემალება გამოძიებას. სასამართლოს ჟორდანიას დაპატიმრების არც ერთი პირობა არ ჰქონდა. ჟორდანიას წარდგენილი აქვს ბრალი, რომელიც ითვალისწინებს თავისუფლების აღ-

კვეთას 5 წლამდე, ასევე ჯარიმა 2500 ლარამდე ასევე კოდექსში შენიშვნის სახითაა ნათქვამი, თუ ბრალდებული სრულად გადაიხდის იმ თანხას, რასაც ედავებოდა, მაშინ საერთოდ თავისუფლდება სისხლის სამართლის პასუხისმგებლობისგან. აქედან გამომდინარე, ჟორდანიას მიმართ არ უნდა გამოეყენებინათ აღმკვეთის ასეთი ღონისძიება. საოლქო სასამართლოში საჩივარი უკვე შეტანილია და საქმის განხილვა 72 საათში უნდა მოხდეს. ათვლა დაიწყო 15 დეკემბრის 12 საათიდან. ვითხოვთ, რომ გამოყენებული აღმკვეთი ღონისძიება ჟორდანიას მიმართ შეიცვალოს გირაოთი.

რაიონული სასამართლოს მოსამართლე სონღულაშვილმა გირაოდ იმ თანხის მესამედი განსაზღვრა, რასაც მერაბ ჟორდანიას ედავებოდა — ეს არის 247 ათასი ლარი. მაშინ ამ თანხის გადახდა ვერ შეეძლებოდა. მოვითხოვეთ თანხის 150 ათას ლარამდე შემცირება, მაგრამ სასამართლო არ დაგვთანხმდა. ვინაიდან სონღულაშვილმა გირაოს თანხად განსაზღვრა 247 ათასი ლარი და დაცვის მხარე თანახმაა ამ თანხის გადახდაზე, აღკვეთის ღონისძიება უნდა შეიცვალოს და ჩვენი მოთხოვნა დაკმაყოფილდეს.“

მერაბ ჟორდანიას ადვოკატს საოლქო სასამართლოში სარჩელის შეტანისთანავე გაეკუსებოდა. მოგვიანებით კი გაირკვა, რომ ჟორდანიას საქმეს მოსამართლე ომარ ჯორბენაძე განიხილავს, სასამართლო პროცესი კი ხვალის 1 საათზე დაინშნული.

კობა ინასარიძე


გაირკვა თუთუბელს: თბილისში რომ ჩამოვიდეთ, ვისთან მივიდეთ?! უპოვებელი მიზეზი არ გამოვა

მერაბ ჟორდანიას პატიმრობაშია, არადა, სწორედ ახლაა საინისო დრო, რომ ეროვნულ ნაკრებს უცხოელი მწვრთნელი დაენიშნოს.

ერთ-ერთი ყველაზე რეალური კანდიდატურა საქართველოს უპირველესი გუნდის დამრიგებლის პოსტზე ფრანგი ანრი მიშელი გახლდათ — მოლაპარაკებებს საქართველოს ფეხბურთის ფედერაციის სახელით თურქი აგენტი ბაირამ თუთუმლი უძღვებოდა, მაგრამ რა ვითარებაა ჟორდანიას დაკავების შემდეგ? სწორედ ამის გამო დაეურეკეთ თუთუმლიუს

— თბილისში ანრი მიშელის ჩამოყვანას შეგვირდით — ახლა როგორ იქნება ეს საქმე?
— ამ დროისთვის ეს მე არ შემიძლია, რადგან მერაბ ჟორდანიას ციხეშია.
— და მოლაპარაკებები მიშელთან შეწყვეტილია?
— არა, მოლაპარაკებებს ჟორდანიას დაკავების ფაქტი ხელს არ შეუშლის, მაგრამ ისიცაა, რომ ამ მხრივ წინ ვეღარ მივდივართ.
— მიუხედავად იმისა, რომ ჟორდანიას დაპატიმრებულია, მიშელი მაინც დაიჭერს საქმეს საქართველოს ფეხბურთის ფედერაციასთან?
— მე და მიშელი თბილისში რომ ჩამოვიდეთ, ვისთან მივიდეთ?


მალიან ცუდ სიტუაციაში ვართ.
— თუ ჟორდანიას მალე გამოუშვებენ, მერა რა პერსპექტივა აქვს თქვენს მიერ წამოწყებულ საქმეს?
— ჩვენ ახლა მერაბ ჟორდანიას გათავისუფლებას ველოდებით, რათა ვიმოქმედოთ. თუ მერაბს გამოუშვებენ, მიშელის თბილისში ჩამოყვანა პრობლემა არ იქნება. მე სიტყვის კაცი ვარ და დანაპირებს შევასრულებ. თუ მაინც ვერ მოხერხდა მიშელის ჩამოყვანა, მაშინ რომელიმე სხვა, აუცილებლად ცნობილ მწვრთნელს გამოვანახებ თქვენი ნაკრებისთვის.
— მიშელთან თუ გქონდათ საუბარი ჟორდანიას დაპატიმრების თაობაზე?



— ამ ამბავზე მიშელისთვის ახსნა-განმარტებების მიცემას აზრი არ აქვს — ისედაც ცუდი ვითარებაა შექმნილი. ისლა დაგვრჩენია, დავიცადოთ.

დავით თავართქილაძე

ნებსაქე საქართველოში დაბრუნებას აპირებს



„ლანდი“ გაკოტრდა და მაინც თამაშობს, თუმცა საქართველოს ეროვნული ნაკრების კაპიტანი გიორგი ნემსაძე ოდენ ინდივიდუალურად ვარჯიშობს — თამაშს იმიტომ ერიდება, რომ ტრავმა არ მიიღოს და ახალ გუნდში გადასვლაში ხელი არ შეეშალოს. მაგრამ საქმეს ისეთი პირი უჭანს, ნემსაძე თბილისში დაბრუნდება.

— წინა გუნდში კვლავლები კონკრეტულ შემთავაზებებს გუნდებიდან, თუმცა რეალური ვერ არაფერია. აგენტები მეუბნებიან, შენით დაინტერესებული მოტლანდიური კლუბები კი არიან, მაგრამ ისინი არცთუ კარგ პირობებს გამოდიანო. მოკლედ, მთავარი საკითხი ფულია. სხვათა შორის, ერთი რუსი აგენტი დამიკავშირდა და რუსულ პრემიერლიგაში თამაში შემომთავაზა, თუმცა ვერ აქვს გაურკვევლობა. ერთ კვირას კიდევ მოვიცდი და თუ არაფერი გამოჩნდა, თბილისში ჩამოვალ. საქართველოში ყოფნა ჩემს სამომავლო ტრანსფერს ხელს არანაირად არ შეუშლის. თუ სასურველი კლუბი და პირობები გამოჩნდა, თბილისიდანაც შეიძლება საქმის მოგვარება — გვითხრა გუშინ ნემსაძემ.


დავით თავართქილაძე

გერმანულ კალიან გააჯანჯლეს თუ ფული არა, მაშ რა?

გიორგი ქინძლაძე, რომელსაც „პანათინაიკოსში“ გადასვლის შანსი აქვს, დღესდღეობით ისევ მანჩესტერშია და ბერძნების ზარს ელის.

ქართველი ფეხბურთელი ერთი კვირით უკვე იმყოფებოდა ათენში და მასპინძლები თავის შესაძლებლობებში დაარწმუნა. „პანათინაიკოსს“ და ქინძლაძეს შორის ტრანსფერის თაობაზე წინასწარი მოლაპარაკება უკვე შემდგარი, თუმცა ათენიდან წასულ ქინძლაძეს საბერძნეთიდან უკვე ერთი კვირაა, არაფერი სმენია. ფეხბურთელსა და კლუბს შუა აგენტია, რომელიც ფეხბურთელს აიძულებს და...

— აგენტთან ყოველდღიური კონტაქტი მაქვს. ათენიდან ჩემი წამოსვლის შემდეგ ის რამდენჯერმე შეხვდა „პანათინაიკოსის“ ხელმძღვანელებს და პასუხად ეს მიიღო — ქინძლაძე ძალიან გვეჭირდება, ამ დღეებში დაუკავშირდებით. მე კი ახლაც მანჩესტერში ვარ და მათ მიწვევას ველი — გვითხრა გიორგი ქინძლაძემ — რა ვიცი, როცა ათენში ვიყავი, ვფიქრობ, „პანათინაიკოსს“ მოლო-



დნი არ გავუტრუე, ამას აგენტიც ადასტურებს, თუმცა ისინი დღემდე პირადად არ დამიკავშირებია.

— გავიგეთ, რომ „პანათინაიკოსი“ დაბალ ხელფასს ვთავაზობს, რაზეც ვერ თანხმდებით.

— არა, თანხაზე ლაპარაკი ჩვენს შორის არცკი ყოფილა. საქმე ისაა, რომ „პანათინაიკოსის“ ხორვატი პრეზიდენტი სამშობლოშია და მგონი, კლუბის სხვა ხელმძღვანელები მას ვერ არც შეხვედრიან, თუ შეხვდნენ, ჩემი ტრანსფერის თაობაზე არ უსაუბრიათ.

— მაშ, უახლოეს დღეებში „პანათინაიკოსში“ შენს ტრანსფერს არ ველოდით?

— იმედი კიდევ მაქვს და ბერძნების სიტყვას ამ კვირაშიც ველი. ვერ კიდევ არ გამოვიცხვად „პანათინაიკოსში“ ჩემს გადასვლას.

კობა ინასარიძე

მსხეთა: ნახევრად სავსე თუ ნახევრად სარიელი?

უბაღლესი ლიგის დებიუტანტმა „მცხეთამ“ წლეულს ჩემპიონატში ისეთი ხმაურიანი გამარჯვებები იხვია, საფეხბურთო სამყარო ალაპარაკა და მეტოქეებიც დააფრთხო... მაგრამ ასე იყო პირველ წრეში, „მცხეთამ“ სძლია „ლოკომოტივს“, „დინამოს“, „ტორპედოს“, „კოლხეთს“. მეორე წრის დაწყებასთან ერთად კი ამ გუნდის პატრონი ვლადიმერ გუცაევი ნაციონალური მოძრაობის წინასაარჩევნო კამპანიაში ჩაერთო და „მცხეთაც“ ჩამორჩა. ოქტომბრის მერე გუნდი აუტსაიდერებში გაერია და ემანდ იქნებ გავარდეს კიდევ... თუმცა გუცაევა გუნდის პერსპექტივა რომ

ვედარ დაინახა, რადიკალურ ზომებს მიმართა და ერთბაშად ნახევარი გუნდი დაითხოვა. ვერჯერობით უცნობია „მცხეთას“ ახალწვეულთა ვინაობა, თუმცა ამ გუნდში თამაშის სურვილი რამდენიმე ფეხბურთელმა უკვე გამოთქვა.

ერთიც: „ტორპედო“ შესაძლოა ქუთაისის „ლოპუდოდან“ წინა სეზონის ბოლოს დაითხოვნილა უკრაინელმა ალექსანდრ შტელინმა გაწვრთნას. ყოველ შემთხვევაში, მცხეთელებს ასეთი სურვილი აქვთ, მათ მწვრთნელთან წინასწარი მოლაპარაკება უკვე ჰქონდათ. შტელინმა პასუხი უახლოეს დღეებში უნდა თქვას.

კობა ინასარიძე

	მსოფლიოს 20-წლამდელთა ჩემპიონატი
ნახევარფინალი	
არგენტინა 0:1 პრაზილი	
კოლუმბია 0:1 ესპანეთი	

ინგლისი
ანტონიო დიასი
II მტაპი. გადამთავრება
პარინტონი 0:0 დ. (პან. 5:3, 0:0) პორტუგალი
იტალია
სერია C/IV. XV ტური
პატანარო 2:0 მარტინა

სად წაიყვანს ურკინიგზო ჩხაიძე ლოკომოტივს?

საპარტიველოს რკინიგზის დეპარტამენტში მიმდინარე საკადრო ცვლილებების მიუხედავად საფეხბურთო კლუბ „ლოკომოტივი“ იმედით აქვთ, რომ დეპარტამენტის ყოფილი თავმჯდომარე აკაკი ჩხაიძე „ლოკომოტივის“ პრეზიდენტად დარჩება.

— აკაკი ჩხაიძე ამჟამად გურიაშია, რკინიგზის დეპარტამენტს კი თხუთმეტკაციანი სამეთვალყურეო საბჭო უხელმძღვანელებს — გვიტხრა დეპარტამენტის თავმჯდომარის მოადგილემ და კლუბის ვიცე-პრეზიდენტმა ტარიელ ლვაბერაძემ — „ლოკომოტივის“ პრეზიდენტი

კი ისევე აკაკია ჩხაიძეა. ის კლუბის დამფუძნებლების არჩეულია ამ თანამდებობაზე. ამჟამად „ლოკომოტივი“ შევბუღებულია, გუნდი 12 იანვარს შეიკრიბება და დანარჩენსაც მერე გეტყვით.

ჯერჯერობით „ლოკომოტივიდან“ ახალი არც სატრანსფერო ამბებზე ისმის, თუმცა სავსებით შესაძლოა, რომ ჩემპიონატის მეორე ეტაპის დაწყებამდე რკინიგზული კლუბი რამდენიმე ფეხბურთელმა დატოვოს. ხელმძღვანელობა ჯერ არც შესაძლო ახალწვეულთა ვინაობაზე ლაპარაკობს.

კობა ინასარიძე



გამგებელი ბაღის განგებავს ელის

ხავერდოვანი რევოლუციის ბოლნისური რეალობა: ხურბი ჯაფარიძე თანამდებობას და „სიონს“ ტოვებს.

ყოფილი ფეხბურთელი და ბოლნისის გამგებელი ფეხბურთის დიდი ქომაგია და მისითაცაა ქვემო ქართლში ფეხბურთის ასე მოლონიერება. ჯაფარიძე თითქმის ათი წელია, „სიონს“ პატრონობს და ამ ხნის მანძილზე ბოლნისურმა კლუბმა თავის წილ წარმატებას მიაღწია — პერიფერიული გუნდი უეფას თასზე მოხვდა. „სიონი“ ახლა მეთხუთმეტე ეროვნული ჩემპიონატის ერთ-ერთი ლიდერია, თუმცა რა იქნება გაზაფხულიდან, ძნელი სათქმელია, რადგან ითქვა, ჯაფარიძე ბოლნისის გამგებელი ატარ იქნებაო

ამ ცნობას ბოლნისში არაერთგვაროვნად შეხვდნენ, მწვრთნელ-ფეხბურთელები გამგებლის გვერდით დგანან, ჯაფარიძე გუნდისთვის და ფეხბურთისთვის შეუცვლელი კაციაო. თუმცა ჯაფარიძის ბოლნისის გამგებლად დარჩენა-არდარჩენა, ბუნებრივია, მათ სურვილზე არ არის დამოკიდებული. „სიონის“ მომავალი მით უფრო ბუნდოვანია, რომ ცნობილი პოლიტიკური მოვლენების გამო კლუბს ოფიციალური პრეზიდენტი, „კვარციტის“ დირექტორი ზურაბ ლობჯანიძე გაეცალა.

გუმინ კომენტარისთვის ზურაბ ჯაფარიძეს დაუკავშირდით...

— „სიონის“ მომავალს ბოლნისის გამგებლის თანამდებობაზე თქვენს დარჩენა-არდარჩენას უკავშირებენ...

— არ ვიცი, რა როგორ იქნება. ფაქტია, ყოველთვის „სიონის“ გვერდით ვიდექი და თანამაზრე-



„სიონის“ ორი ზურაბი: ლობჯანიძე და ჯაფარიძე

ბთან ერთად ბოლნისში საფეხბურთო ცხოვრება ავადორძინე.

— თუკი გამგებლად არ დარჩით, „სიონს“ ვერ დაეხმარებით?

— ასეთ შემთხვევაში ჩემი ქალაქის გუნდს ჩემი მორალური მხარდაჭერა არ მოაკლდება.

— სიონელები ამბობენ, ჯაფარიძის გარეშე ბოლნისში ფეხბურთი ჩაკვდებაო...

— ფეხბურთი ჩემით არ დაწყებულია და არც დამთავრდება. პირველ ეტაპზე გუნდი მესამე ადგილზე გავიდა. უდავოდ კარგი შედეგია და ამის აღნიშვნა აქამდეც მინდოდა. ამ კვირის ბოლოს მწვრთნელ-ფეხბურთელებს, უურნალობს, გულშემატკივრებს შევხვდები, იმ დროისთვის ალბათ ჩემი საკითხიც გადაწყვეტილი იქნება და წასვლის შემთხვევაში კაცურად დავემშვიდობები ყველას.

ბატა კვანტალიანი

ჯერ პორტი, მერე სპორტი ინაიშვილი ჩავიდა და სხვაგან მივიდა

„კოლხეთს“ პრეზიდენტი დაუბრუნდა. საზღვარგარეთ მივიღინებაში მყოფ ჯემალ ინაიშვილს ფოთში მოუთმენლად ელოდნენ. „კოლხეთის“ მწვრთნელმა გია ტყეშუაშვილმა უკეთესი მომავლის იმედით გაუშვა გუნდი შევბუღებაში. ბოლო დროს ზღვისპირელებს ფინანსური პრობლემა გაუჩნდათ. ფეხბურთელები კუთვნილ ხელფას-პრემიებს ითხოვდნენ. „კოლხეთში“ სატრანსფერო თანხის მხრივაც წარმოიშვა უსიამოვნებები და მწვრთნელ-ფეხბურთელები მხოლოდ გუნდის პრეზიდენტის იმედად იყვნენ.

წასვლის წინ ჯემალ ინაიშვილმა თქვა, მივიღინებიდან რომ დაუბრუნდები, ყველაფერს მოვაგვარებო, ელოდნენ კოლხები პრეზიდენტს და ინაიშვილი კვირას ფოთში დაბრუნდა.

რა შედეგი მოჰყვა პრეზიდენტის

დაბრუნებას? ამ კითხვით მივმართეთ გუმინ „კოლხეთის“ მწვრთნელ გია ტყეშუაშვილს და თავად ჯემალ ინაიშვილს.

გია ტყეშუაშვილი: პრეზიდენტი ჩამოვიდა. ყველანი იმედიანად ვართ. ხედავ ან ხე შევხვდებით და მჯერა, ყველა პრობლემა მოგვარდება. ინაიშვილთან შეხვედრის შემდეგ წამსვლელ-დამრჩენთა ვინაობაც გაირკვევა. ამის შემდეგ ალბათ ახალწვეულებიც მოვლენ და მეორე ეტაპისთვის მზადებას შევუდგებით.

ჯემალ ინაიშვილი: „კოლხეთში“ ყველაფერი ძველებურადაა. ამხელა პორტს ვხელმძღვანელობ და როგორ ფიქრობთ, ფეხბურთის გარდა სხვა საქმე არ მაქვს? ფოთში ჩამოსულს შუქი არ დამხვდა, ამის გამო პორტში დიდი პრობლემები შეგვექმნა. წლის ბოლოა, გვემა ხომ პირნათლად უნდა შევასრულოთ. ასე

რომ, ბევრი მწიფელოვანი საკითხი მაქვს მოსაგვარებელი.

— კი მაგრამ, თქვენ ხომ „კოლხეთის“ პრეზიდენტი ხართ და კლუბის პრობლემების მოგვარებას თქვენგან ელიან მწვრთნელ-ფეხბურთელები...

— ტყეშუაშვილი და ქოიავა როგორმე მორიგდებიან ერთმანეთში. კლუბში არც ისეთი პრობლემაა, თქვენ რომ გგონიათ. მალე მეც შეხვდები მათ და ყველაფერს გაგარკვევთ.

— როდის მოგვარდება გუნდის პრობლემები?

— როცა კრებას მოვიწვევთ.

— როდის მოიწვევთ კრებას?

— ხომ ვითხარით, უამრავი საქმე მაქვს. მივალ ფეხბურთამდეც და გარწმუნებთ, ყველაფერი გუნდისთვის სასიკეთოდ გადაწყდება.

ბატა კვანტალიანი



ლევან სილაგაძე და დავით ჩალაძე უკვე კვიპროსზე არიან



რუბინა სილაგაძე და ჩალაძე გაიხანგრძლივა

მოლოდინისამებრ, ყაზანის „რუბინა“ შეთანხმებით დაასრულა ქართველ ფეხბურთელებთან მოლაპარაკება და ლევან სილაგაძე და დავით ჩალაძე კვიპროსულ შეკრებაზე იახლა. ჩვენებურებს კლუბთან კონტრაქტი სეზონის დასრულებისთანავე დაუმთავრდათ, თუმცა „რუბინის“ თავკაცობა თავიდანვე ამჟღავნებდა ჩალაძე-სილაგაძესთან ურთიერთობის გაგრძელების სურვილს. მოსახდენი მოხდა — II დეკემბერს ყაზანელები ბრინჯაოს მედლებით დააჯილდოვეს, კვირას კი „წლის აღმოჩენა“ ახალი სეზონისთვის მზადებას შეუდგა. „რუბინი“ ორკვირიან შეკრებას კვიპროსზე გაივლის.

ყაზანელთა მთავრმა მწვრთნელმა ყურბან ბერდიევმა გუნდიდან სამი

ფეხბურთელი გაუშვა. მათ სანაცვლოდ კი მომავალი სეზონიდან ორი ჩეხი და ერთიც ბრაზილიელი შემატეს.

„რუბინის“ კუნძულზე ამხანაგური მატჩებიც აქვს დაგეგმილი და ყურბან ბერდიევი კიდევ რამდენიმე ახალწვეულის გასინჯვას აპირებს. კლუბს მოგვიანებით შეუერთდებიან ბრაზილიელი ლევიონერები — რონის და ალოიზიოს შევბუღება რამდენიმე დღით გაუხანგრძლივეს.

და კიდევ, „რუბინის“ ხელმძღვანელობამ ფეხბურთელებს საახალსეზონო მიზანიც დაუსახა — რუსული პრემიერლიგის ხუთეულში მოხვედრა და უეფას თასზე სულ მცირე, ორი ეტაპის გავლა.

ბატა ზალაგაძე

მენტეშაშვილი და სპირტაპ-ალანია: პნასოტი

ვლადიკავკაზის „სპარტაკ-ალანია-ღოგის“ „სკონტოს“ განათხოვრებული და ლაგვიაში განმეორებული ქართველი ნახევარმცველი ზურაბ მენტეშაშვილი ალბათ ისევ რუსულ პრემიერლიგას დაუბრუნდება. ყოველ შემთხვევაში, ჩვენებურს „სკონტოსთან“ იჯარის ვადა ამოუწურა და თუ ოსებმა მისი დაბრუნება გადაწყვიტეს, წინ ვერაფერი დაუდგებათ.

ზურაბ მენტეშაშვილის გუმინ რიგაში დაუკავშირდით.

— იანვარში საბოლოოდ გადაწყდება, რომელ კლუბში ვითამაშებ. „სკონტოსთან“ ხელშეკრულების ვადა უკვე ამოიწურა. „სპარტაკ-ალანიას“ საკუთრება ვარ და სწორედ ამ კლუბის ხელმძღვანელობასთან მოლაპარაკების შემდეგ გაირკვევა ყველაფერი.

— ვლადიკავკაზიდან არავინ შეგხმინებია?

— ჯერჯერობით არა. სანამ გუნდს ახალ მწვრთნელს არ დაუნინავენ, მანამდე ჩემი ბედი არ გაირკვევა. ალბათ მაინც დაუბრუნდები.

— ესე იგი, „სკონტოს“ „თანამეგობრობის თასზე“ არ დაეხმარები...

— ზუსტად არ ვიცი. იმ დრომდე გადაწყვეტილი იქნება, რა გზას ვეწიო.

— ოსები თურმე სერიოზული გუნდის გაკეთებას აპირებენ...

— ჰო, ეს მეც გავიგე. „სპარტაკ-ალანიას“ ისევ ის ფორმა უსპონსორებს, რომლის ხელმძღვანელები 1995 წელს რუსეთის ჩემპიონები გახდნენ. სპირტის ქარხნის ხელმძღვანელობას ფული ნაღდად არ აკლია და კარგი იქნება, თუ გუნდს ძველ სახელს დაუბრუნებენ. მწვრთნელსაც სერიოზული კანდიდატები განიხილებიან და ვნახოთ, რა როგორ გამოვა. მე ჯერჯერობით ვისვენებ. „სპარტაკ-ალანიას“ თავკაცობას ალბათ მალე შევხვდები.

— ისე, რამდენიმე თვის წინ „სპარტაკ-ალანიას“ ლამის სკანდალურად დაშორდი...

— ეს უკვე წარსულია. მე ამ კლუბის საკუთრება ვარ და ახლა არანაირი პრობლემა არ გვაქვს.

ბატა ზალაგაძე



ზურაბ მენტეშაშვილი, ეტყობა, ისევ ალანიაში მოუწევს



რაფრებს რააფარეს

ძველი ბიჭების სიბყვა



იცილა და არ დაეწევიან... ქეცბაიას ისევ გააქვს

ბელჯინკის „შალკე“ როგორც იქნა, მოიგო და სატურნირო ცხრილში „ფრაიბურგს“ გაუცვალა ადგილი. „ხუმარებმა“ სტუმრად „კაიზერსლაუტერნი“ 2:0 დაამარცხეს, თუმცა ჩვენებური ლევან კობიაშვილი ამ საქმეში ვერაფრით შეეშველა თავისიანებს — სათადარიგო იყო.

მოედანზე გასვლა არ მოუწია ლევან ციტიშვილსაც. ქართველების „ფრაიბურგს“ სტუმრად „ჰამბურგს“ დაეჭაგვინა. ალექსანდრე იაშვილმა სრულად ითამაშა და საგოლე პასით გამოიჩინა თავი.

მეორე ბუნდესლიგაში ხვინა შუბითიძე გააძევეს. აუე-მ „ლიუბეკს“ ვერც გაუტანა და არც გაატანინა, კლუბის ბომბარდირი შუბითიძე კი მსაჯმა 89-ე წუთზე მეორე ყვითელი ბარათით გაისტუმრა მოედნიდან.

„რეინჯერსს“ ერთი ტრავმამოშუშებული ქართველი შეემატა და მეორე მოაკლდა. ჩემპიონთა ლიგაში „პანათინაიკოსთან“ მატჩში მხარნატკენი ზურაბ ხიზანიშვილი ჯერაც მკურნალობს და „ჩაფრებს“ იმიტომ ვერ შეეშველა, შოთა არველაძემ კი ბოლო 18 წუთი ითამაშა, თუმცა „რეინჯერსი“ მარცხისგან ვერ იხსნა. ალექს მაკლიშის ნაქები ბიჭები უსახელო „დანფერმლინმა“ გააკრა ბეჭებზე.

გოგა გახოკიძის „ტვენტემ“ მრისხანე „ფეინოორდი“ იმსხვერპლა. ენსხედლებმა 4:2 სძლიეს მეტოქეს და მეშვიდე ადგილამდე აღზევდნენ. გახოკიძე მწვრთნელმა 61-ე წუთზე შეცვალა.

ბოლოს ნაკრების ძველ მეგობრებზე ეთქვათ: მიხეილ ყაველაშვილმა სეზონში მესამე გოლი გაუტანა „ბელინცონას“, მაგრამ მისი „სიონი“ 3:4 დამარცხდა. თემურ ქეცბაიას „ანართოსისმა“ კი „ეთნიკოსს“ 2:1 მოუგო. გოლით სტუმრები ქეცბაიამაც დაამწუხრა.

ბასა შალაგზიანიძე

არველაძე-ხიზანიშვილის „რეინჯერსს“ საქმეები ცუდად ნაუვიდა — ჩემპიონთა ლიგაში ჩაფლავდა; მოტლანდიის ჩემპიონატში კი რვა ქულით ჩამორჩება „სკელტკის“ (ჩაღვან ბოლო ტურში სტუმრად „დანფერმლიანთან“ ნახაგო. გუშინ რეინჯერსელები გლაზგოს ბავშვთა საავადმყოფოში ჩვენს „შატარები“ მოინახულეს და ამ სათნო საქციელის შემდეგ დაიშალნენ. შოთა არველაძეს მერე დაავურეკეთ

ერთი კვირას და შევუბერავთ

— რა სჭირს „რეინჯერსს“?
— „დანფერმლიანთან“ შეიდი ტრავმირებული ფეხბურთელი გვაკლდა, თანაც ხელოვნურსაფარიან მოედანზე ვითამაშეთ. „დანფერმლიანი“ ამას შეჩვეულია, ჩვენ კი არა. თამაშის წინა დღეს იქ რომ ვივარჯიშე, თითქმის ყველაფერი ამტკივდა — საფარი ერთობ უხარისხოა და იმიტომ.

— ალექს მაკლიშის მოხსნაზე ხომ არაა ლაპარაკი?

— არა, მას ხომ ოთხი წლით გაუნაგრძლივეს კონტრაქტი დაახლოებით ერთი თვის წინ. „რეინჯერსი“ ძლიერდება — „ოსერის“ მცველ ჟან-ალენ ბუმსონთან უკვე გააფორმეს კონტრაქტი, ახლა მილანის „ინტერის“ ერთ-ერთი ნახევარმცველის გადმობრება სურთ.

— შეცვლაზე ითამაშე — ტრავმა ბოლომდე ჯერ არ მოგიშუშება?

— დღეს ბოლო ნემსი გავიკეთე და მუხლი უკვე გაცილებით უკეთ მატკვს.

— „სელტიკს“ რვაქულიანი უპირატესობა აქვს — ჩემპიონობის რა შანსი შეგჩაათ?



— მომავალი კვირიდან რონალდ დე ბურის და კრისტიან ნერლინგერის გარდა დანარჩენი მოთამაშეები მწვობრში იქნებიან და შევეცდებით, შევეუბეროთ.


— ხიზანიშვილიც მომგობინდა?

— ერთ კვირაში ზურა ინდივიდუალურად დაიწყებს ვარჯიშს. მისი მტკივანი მხრისთვის კონტაქტური ვარჯიში ჯერ არ შეიძლება, ხოლო ერთ თვეში ალბათ სრულ მზადყოფნაში იქნება.

დავით თაგარტილიაძე

რახვიაშვილი სვეშამი

ალექსანდრე რახვიაშვილი და მოსკოვის „ტორპედო-მეტალურგი“ საბოლოოდ გაიყარნენ. გენსომებათ, პარასკევს „სარბიელთან“ ინტერვიუში საქართველოს ნაკრების ნახევარმცველი იმედს იკოვებდა, ეგებ „ტორპედო-მეტალურგის“ ხელმძღვანელობასთან შევთანხმდე და კლუბშიც დავრჩეო, მაგრამ... გუშინ ჩვენებური კრებას დაესწრო და იქიდან ასეთი პასუხი გამოიგანა: „რახვიაშვილი ტრანსფერზე“, ამგვარად, მისი და მოსკოველების ერთნაირი თანამშრომლობა დასრულდა. სად გააგრძელებს კარიერას ალექსანდრე რახვიაშვილი, ჯერაც უცნობია. ნუხელ მას მოსკოვში შევხვდებით...



— „ტორპედო-მეტალურგის“ ხელმძღვანელობასთან შეხვედრას აპირებდი...

— პირადი საუბარი არ მქონია. დღეს კლუბის კრება იყო და ყველაფერი იქ ითქვა.

— კერძოდ, რა?

— ტრანსფერზე დამაყენეს. ამაში მოულოდნელი არაფერი იყო. ისედაც ვიცოდი, რომ „ტორპედო-მეტალურგში“ არ დავრჩებოდი. ხელმძღვანელობამაც იმ ფეხბურთელთა შორის დამასახელა, რომლებიც კლ-

უბს დატოვებენ. არაუშავს, ჩემს გზას ვიპოვი.

— გუნდში ვარჯიშის უფლებაც არ მოგცეს?

— „ტორპედო-მეტალურგი“ ახლა შეკრებაზე მიდის, იმიტომ სარეზერვო გუნდში ვივარჯიშებ. პრობლემა არაა, მთავარია, ფიზიკურ კონდიციებს აღვიდგენ და ახალ კლუბშიც მეტ-ნაკლებად მომზადებული მივალ.

— იმედინად ჩანსარ და ვარიანტებს ვერ გავგომხელ?

— ჯერჯერობით არ შემიძლია. რამდენიმე რუსული კლუბი უკვე დამიკავშირდა და მათგან საუკეთესოს ავირჩევ. მოლაპარაკებას დღეს-ხვალ დაიწყებ.

— რამდენ ხანში გაირკვევა ყველაფერი?

— ალბათ ამ კვირაში გადაწყდება, სად წავალ. მალე კლუბები საახალსეზონო მზადებას დაიწყებენ და დრო არც ისე ბევრი მატკვს, თუმცა უიმედოდ ნაღდად არ ვარ. მალე ახალ კლუბში მნახავთ.

ბასა შალაგზიანიძე

სახელი გვარი	გუნდი	სად მეტოქე	წი	შენიშვნა	თ	გ	ა
ბერლინი. ბუნდესლიგა							
ლევან კობიაშვილი	შალკე	ს კაიზერსლაუტერნი 2:0	0	სათადარიგო	15	0	8
ალექსანდრე იაშვილი	ფრაიბურგი	ს ჰამბურგი 1:4	90	საგოლე პასი	15	6	9
ლევან ციტიშვილი	ფრაიბურგი	ს ჰამბურგი 1:4	0	სათადარიგო	14	1	9
ბერლინი. მეორე ბუნდესლიგა							
ხვინა შუბითიძე	აუე	შ ლიუბეკი 0:0	89	გააძევეს	16	6	15
შოტლანდია. პრემიერლიგა							
შოთა არველაძე	რეინჯერსი	ს დანფერმლიანი 0:2	18	შეცვალაზე ითამაშა	12	9	2
ზურაბ ხიზანიშვილი	რეინჯერსი	ს დანფერმლიანი 0:2	0	ტრავმირებულია	13	0	2
კოლანდია. პირველი დივიზიონი							
გოგა გახოკიძე	ტვენტე	შ ფეინოორდი 4:2	61	შეცვალეს	15	0	7
შვეიცარია. ჩელენჯლიგა							
მიხეილ ყაველაშვილი	სიონი	შ ბელინცონა 3:4	56	1 გოლი, შეცვალეს	?	?	3
ბუნდესლიგა. თასი							
ამირან მუჯირი	მარეკი	ს ლევსკი 1:4	90				
კვიპროსი. პირველი დივიზიონი							
თემურ ქეცბაია	ანართოსისი	შ ეთნიკოსი 2:1	90	1 გოლი	13	7	
ლევან მალრაძე	აელ	ს პარალიმნი 1:0	90		11	2	
ლევან ქეცბაე	პარალიმნი	შ აელ 0:1	90		10	7	
თურქეთი. პირველი ლიგა							
გივი დიდავა	ქოჯაელი	შ გიოზთეფე 2:1	90		10	0	3

შენიშვნა: შ — შინ, ს — სტუმრად, თ — თამაში, გ — გოლი, ა — გუნდის ადგილი ლიგაში

სარბიელი სამუშაოდ იხვევს

გაზეთში ნამუშევარ დამკაბადონებელს

მიღება მოხდება შარბივით მსურველებმა მოგვაკითხეთ „სარბიელის“ რედაქციაში, ალექსანდრე ყაზბეგის გამზირი 42, II კორპუსი, IV სართული, 15-დან 18 საათამდე. ცნობებისთვის დარეკეთ 39-48-29, 39-40-08

2003 წლის საკონტინენტთაშორისო თასის ფინალი

მილანი 1:1 დ.დ.(პენ.1:3, 1:1) ბოკა ხუნიორსი

14 დეკემბერი. იოკოჰამა. ინტერნაციონალ სთადიონი. 66.757 მაყურებელი

1:0 ტომასონი (24), 1:1 დონეტი (29)

პენალტები: 0:0 პირლო (მეკარე), 0:1 სკიავი, 1:1 რუი კოშტა, 1:1 ბატალია (მეკარე), 1:1 ზედორფი (ააცილა), 1:2 დონეტი, 1:2 კოსტაკურტა (მეკარე), 1:3 კასკინი

დიდა, კაფუ, კოსტაკურტა, მალდინი, პანკარო, გატუზო (ამბროზინი 102), პირლო, ზედორფი, კაკა (რუი კოშტა 78), შევჩენკო, ტომასონი (ინძაგი 60)
სათადარიგოები: აბიატი; ლაურსენი, კალძიძე, სერუინიო
მწვრთნელი: კარლო ანჩელოტი

აბონდანიერი, პერეა (ხერესი 73), სკიავი, ბურდისო, როდრიგესი, დონეტი, კანია, ბატალია, კასკინი, ბაროს შელოტო (ტევესი 73), იარლეი
სათადარიგოები: კაბალიერო; კროზა, ვარგასი, ვილარეალი, კოლაუტი
მწვრთნელი: კარლოს ბიანკი

მაწვრთნელი: პერეა, კაკა, კაფუ; მსაჯენი: ვალენტინ ივანოვი (რუსეთი)

თქვენ გინდობათ პენალტები?! ბოკას აზრისა 11 მეტრიდან

დამატებითი და დამატებითი დროის შემდეგ, სამხრეთ ამერიკის ლიბერტადორის თასის მფლობელმა არგენტინელმა „ბოკა ხუნიორსმა“ ევროპის ჩემპიონთა ლიგის გამარჯვებულს, იტალიურ „მილანს“ პენალტებით აჯობა. პენალტებამდე ანგარიში 1:1 გახლდათ, თერთმეტმეტრიანების სერიაში კი ანდრეა პირლოს, კლარენს ზედორფის და ალესანდრო კოსტაკურტას უზუსტო დარტყმების შემდეგ ბუნდესლიგის ნახევარმეცველმა, რაულ კასკინიმ დაპირისპირებას წერტილი დაუსვა. იოკოჰამაში გამართულ შეხვედრას 67 ათასი მაყურებელი ესწრებოდა.

და ამიტომ პრინციპული ბრძოლა ვიხილეთ — განაცხადა მატჩის შემდეგ გამარჯვებულთა მწვრთნელმა კარლოს ბიანკიმ, რომელიც კვირას ფეხბურთის ისტორიაში პირველი მწვრთნელი გახდა, რომელმაც საკონტინენტთაშორისო თასი უკვე მესამედ მოიპოვა — დამატებითი დროის მიწურულს მიხვდით, რომ „მილანი“ ფეხბურთელები პენალტების იმედოდ იყვნენ. ძალიან ვამაყობ, რომ ასეთი შემთხვევა ფეხბურთი ვითამაშეთ, ხოლო პენალტები კიდევ უფრო აგრესიულად შევასრულით“.

ზემოთ მოგახსენეთ, რომ ბიანკი ისტორიაში მოხვდა. სამაგიეროდ, ისტორიაში ვერ მოხვდა „მილანი“, რომელიც შეხვედრის არცთუ ხანმოკლე პერიოდების განმავლობაში თავის წილ უპირატესობას ფლობდა და საქმე მისთვის წარმატებით რომ დაესრულებინა, საკონტინენტთაშორისო თასის ოთხგზის მფლობელი გახდებოდა.

„ეს გახლდათ ევროპისა და სამხრეთ ამერიკის ჩემპიონთა ლიგის

საკონტინენტთაშორისო თასის ყველა ფინალი (1960-2003)

1960	რეალი (ესპანეთი) — პენიაროლი (ურუგვაი)	0:0, 5:1
1961	პენიაროლი (ურუგვაი) — ბენფიკა (პორტუგალია)	0:1, 5:0, 2:1
1962	სანტოსი (ბრაზილია) — ბენფიკა (პორტუგალია)	3:2, 5:2
1963	სანტოსი (ბრაზილია) — მილანი (იტალია)	2:4, 4:2, 1:0
1964	ინტერი (იტალია) — ინდეპენდიენტე (არგენტინა)	0:1, 2:0, 1:0
1965	ინტერი (იტალია) — ინდეპენდიენტე (არგენტინა)	3:0, 0:0
1966	პენიაროლი (ურუგვაი) — რეალი (ესპანეთი)	2:0, 2:0
1967	რასინგი (არგენტინა) — სელტიკი (შოტლანდია)	0:1, 2:1, 1:0
1968	ესტუდიანტესი (არგენტინა) — მანჩესტერი (ინგლისი)	1:0, 1:1
1969	მილანი (იტალია) — ესტუდიანტესი (არგენტინა)	3:0, 1:2
1970	ფიენოროდი (ჰოლანდია) — ესტუდიანტესი (არგენტინა)	2:2, 1:0
1971	ნასიონალი (ურუგვაი) — პანათინაიკოსი (საბერძნეთი)	1:1, 2:1
1972	აიაქსი (ჰოლანდია) — ინდეპენდიენტე (არგენტინა)	1:1, 3:0
1973	ინდეპენდიენტე (არგენტინა) — იუვენტუსი (იტალია)	1:0
1974	ატლეტიკო (ესპანეთი) — ინდეპენდიენტე (არგენტინა)	0:1, 2:0
1975	ფინალი არ გამართულა	
1976	ბაიერნი (გერმანია) — კრუსეირო (ბრაზილია)	2:0, 0:0
1977	ბოკა ხუნიორსი (არგენტინა) — მიონხენგლადბახი (გერმანია)	2:0, 3:0
1978	ფინალი არ გამართულა	
1979	ოლიმპია (პარაგვაი) — მალმიო (შვედეთი)	1:0, 2:1
1980	ნასიონალი (ურუგვაი) — ნოტინგემი (ინგლისი)	1:0
1981	ფლამენგო (ბრაზილია) — ლივერპული (ინგლისი)	3:0
1982	პენიაროლი (ურუგვაი) — ასტონ ვილა (ინგლისი)	2:0
1983	გრემიო (ბრაზილია) — ჰამბურგი (გერმანია)	2:1
1984	ინდეპენდიენტე (არგენტინა) — ლივერპული (ინგლისი)	1:0
1985	იუვენტუსი (იტალია) — არგ. ხუნიორსი (არგენტინა)	2:2დ.დ.(პენ.4:2, 2:2)
1986	რივერ პლეიტი (არგენტინა) — სტიაუა (რუმინეთი)	1:0
1987	პორტუ (პორტუგალია) — პენიაროლი (ურუგვაი)	2:1დ.დ.(1:1)
1988	ნასიონალი (ურუგვაი) — ჰსე ვინდჰოვენი (ჰოლანდია)	1:1დ.დ.(პენ.7:6, 1:1)
1989	მილანი (იტალია) — ატლეტიკო ნასიონალი (კოლუმბია)	1:0დ.დ.(0:0)
1990	მილანი (იტალია) — ოლიმპია (პარაგვაი)	3:0
1991	ცრვენა ზვებდა (იუგოსლავია) — კოლო კოლო (ჩილე)	3:0
1992	სან პაულუ (ბრაზილია) — ბარსელონა (ესპანეთი)	2:1
1993	სან პაულუ (ბრაზილია) — მილანი (იტალია)	3:2
1994	ველეს სარსფილდი (არგენტინა) — მილანი (იტალია)	2:0
1995	აიაქსი (ჰოლანდია) — გრემიო (ბრაზილია)	0:0(პენ.4:3)
1996	იუვენტუსი (იტალია) — რივერ პლეიტი (არგენტინა)	1:0
1997	დორტმუნდი (გერმანია) — კრუსეირო (ბრაზილია)	2:0
1998	რეალი (ესპანეთი) — ვასკუ და გამა (ბრაზილია)	2:1
1999	მანჩესტერი (ინგლისი) — პალმეირასი (ბრაზილია)	1:0
2000	ბოკა ხუნიორსი (არგენტინა) — რეალი (ესპანეთი)	2:1
2001	ბაიერნი (გერმანია) — ბოკა ხუნიორსი (არგენტინა)	1:0დ.დ.(0:0)
2002	რეალი (ესპანეთი) — ოლიმპია (პარაგვაი)	2:0
2003	ბოკა ხუნიორსი (არგენტინა) — მილანი (იტალია)	1:1დ.დ.(პენ.3:1, 1:1)

პეროვა 20:22 სამხრეთ ამერიკა

მდეგ რვა მეტრიდან მან აუღელვებლად და საქმის ცოდნით გაუტანა ნაქებ მეკარე რობერტო აბონდანიერის, მაგრამ ხუთ წუთში „ბოკა“ გაათანაბრა — მატჩის გმირმა მატჩის დონეტიმ „მილანის“ მეკარეს, დიდას იარლეის დარტყმის შემდეგ მოგერიებული ბურთი კარში გაუგზავნა.

კინლამ გოლით ანაწინა ანდრეი შევჩენკოს თავით დაგდებულს მიარტყა, მაგრამ არგენტინელმა მეკარემ დიდებულად მოიგერია. მსაჯის წამატებულ წუთებში გოლის შეგდება შეეძლო შეცვლაზე შესულ არგენტინელს, კარლოს ტევესსაც, როდესაც მას ზემოხსენებულმა იარლეიმ მიაწოდა ბურთი.



ბონიერებს და დამრტყმებს

„ბოკა ხუნიორსი“ 1977 და 2000 წლების ბედნიერ სეზონთა შემდეგ მესამედ გახდა მსოფლიოს საუკეთესო გუნდი. სრულიად საფეხბურთო პატაგონია მორიგ დიდ გამარჯვებას ზეიმობს, ხოლო ამ ფიესტას მთავარი ორგანიზატორი, ბოკელთა იღბლიანი დამრიგებელი კარლოს ბიანკი იქაურ მედიასთან შეხვედრისას თავის შევირდთა ჩაუქ ბურთობას განსაკუთრებით აღნიშნავს. ბიანკის სამხრეთამერიკული „კლარინი“ ესაუბრა.

— რას გრძნობთ, როცა ყველაფერი დასრულდა და „ბოკა“ უკვე მსოფლიოს ჩემპიონია?
— უზომო ბედნიერებას, რომელიც შეიძლება ვერც გადმოქცეთ. „ბოკა ხუნიორსი“ ახლა ჩემთვის ყველაფერია. იტალიელებთან დამსახურებულად გავიმარჯვეთ, მოუხედავად იმისა, რომ მატჩი პენალტების სერიაში გადაწყვიტა. უფრო მუტსაც გეტყვით — „მილანი“ შეხვედრის ძირითად დროში უნდა დაგვემარცხებინა.
— ესე იგი, გამოდის, რომ იტალიელებმა თამაში უკვე პენალტებამდე დათმეს...
— სრული ჭეშმარიტებაა. აშკარად ეტყობოდათ, რომ თავიანთ საუკეთესო შეხვედრას არ ატარებდნენ. ჩვეული ორგანიზებულიობაც სადღაც დაკარგეს და ამით ჩემმა ბიჭებმა დიდებულად ისარგებლეს. საკონტინენტთაშორისო თასის გათამაშება არ გახლავთ ისეთი შერკინება, სადაც მოწინააღმდეგეები ერთმანეთს შეცდომებს პატიობენ.
— რა არის თქვენი წარმატების საიდუმლო?
— დიდი ჯილდოს ხელში ჩასაგდებად ნებისმიერი გუნდისთვის ორი ძირითადი ფაქტორია საჭირო — გონიერი ფეხბურთელები და კარში შედევანი დარტყმათა სიმრავლე. „ბოკა“ ამ ორივე მოთხოვნას ასე პროცენტით აკმაყოფილებს.

REUTERS იოკოჰამადან

რაც მოვივა და ვითაო...

ქართული კალათბურთი „გარეშე მტრებს“ ვერ დაადა-
ნაშაულებს თავის უსუსურ ყოფიერებაში. თუნდაც იმაში, რომ
დღეს საქართველოს ნაკრები ორად გაყოფილი სანაკრებო
ევროპის სუსტ ნახევარშია და სულ 50-ქულიანი გამარჯვებებიც
რომ „ამოაგდოს“, საუკეთესო შემთხვევაში ევროფინალში 2007
წელს თუ ითამაშებს. ეს მთლიანად ქართული კალათბურთის
ბრალია და ამ სახეობამ თავად უნდა გამოიხსნას თავი
შესარჩევი სისტემის აბლაბუდიდან. დღეიდან ფედერაციამ
კონკრეტული ნაბიჯები უნდა გადადგას, რაკი გამოვლინდნენ
ჩვენი უახლოესი მეტოქეები, ესენი ჩვენსავით ევროკალა-
თბურთის ყველაზე დაბალ საფეხურზე დგანან

რა დონაა? მაკედონია საქართველომ პირველი მეტოქეები დაინახა

13 დეკემბერს ბელგრადში საქარ-
თველოს ნაკრების ის მეტოქეები და-
სახელდა, რომელთა ძლიერ შემდე-
გაც ძლიერებში ანაცვლების შანსი
ჩნდება. საჭიროა „მხოლოდ“ კიდევ
ერთი, დაახლოებით ჩვენი წონის
გუნდის დამარცხება. ამ ეტაპის
წარმატებით გავლა საქართველოს
ნაკრებს 2007 წლის ევროპირ-
ველობის შესარჩევი მიგვიყვანს.

2005 წლის ევროჩემპიონატის
შესარჩევი საქართველოს ნაკრე-
ბი დაბალი რეიტინგის გამო ვერ
მიიღებს მონაწილეობას.

სულ ევროპის „ქვედა ნახე-
ვარში“ 16 დაბალრეიტინგიანი ნა-
კრებია. ამათგან 2005 წელს გა-
მოვლინდება ორი საუკეთესო, რო-
მლებიც ზემო, A კატეგორიის გუ-
ნდებში აინაცვლებენ და, როგორც
ვთქვით, მერედა იბრძობებენ ევ-
როჩემპიონატის ფინალურ ეტა-
პზე გასასვლელად.

მაშ ასე, საქართველოს მეტოქე-
ბი D ჯგუფში არიან ლუქსემბურ-
გი, ფინეთი და, რაც მთავარია, მა-
კედონიის ძლიერი, უფრო კი გამო-
ცდილი გუნდი. D ჯგუფში საუკე-
თესო (სავარაუდოდ მაკედონია ან
საქართველო) პლეი ოფში დაეჯა-
ხება B ჯგუფის რჩეულს (ირლან-
დია, სლოვაკეთი, შვეიცარია ან მა-
ლტა). გამარჯვებული აინაცვლებს
„მაღალ ევროპაში“ და იმონაწი-
ლეებს ევროპის 2007 წლის ჩემ-
პიონატის შესარჩევი ტურნირში.

კალათბურთის ფედერაციის პრე-
ზიდენტმა ბესიკ ლიპარტილიანმა
ასე შეაფასა კენჭისყრის შედეგები:
„საკმაოდ რთული ჯგუფია, ჩვე-
ნი მთავარი მეტოქე მაკედონია იქ-
ნება. ისე კი, არც ფინეთია ხელწა-
მოსაკრავი. მაკედონიელებს ოთხი
ძლიერი კალათბურთელი ჰყავთ,
რომლებიც ევროლიგაში თამაშო-
ბენ. ჩვენი ნაკრების მწვრთნელ დრა-
ვენ ბრაიკოვიჩს უკვე ველაპარაკე-
მისთვის პრობლემა არ იქნება მა-
კედონიელთა თამაშების ვიდეოკა-
სეტების შოვნა. ის ხორვატიაში
მიემზავრება საახალწლოდ და მა-
კედონიის ნაკრებზე გარკვეულ ინ-
ფორმაციას შეაგროვებს...“

ჩვენი დიდი სურვილია, რომ ჯგუ-
ფიდან გავიდეთ. თუ ეს მოვახე-
რნეთ, პლეი ოფში ალბათ აღარ
გავგიჭირდება. კალათბურთის ფე-
დერაციამ ყველაფერს გააკეთებს,
რათა ნაკრების მწვრთნელის მოთ-
ხოვნები შესრულდეს...

სიტყვიერი შეთანხმება უკვე
გვაქვს ნა-საქართველებთან. ისინი
მზად არიან ნაკრებში ჩამოსას-
ვლელად თუ რამე პრობლემა წა-
რმოიშვა, თავად ჩავალ ამერიკაში
და სამივე კლუბის ხელმძღვანე-
ლობას შევხვდები.“

„ამერიკელთა“ ჩამოყვანასთან და-
კავშირებულ პროცედურაზე უფრო
დაწვრილებით გვესაუბრა ფედერა-
ციის გენერალური მდივანი მერაბ
რატიშვილი: „არან ამერიკული სა-
დაზღვეო კომპანიები, რომლებიც
კონკრეტულად ამ კუთხით მუშაო-
ბენ, ახლგვენ სპორტსმენებს და მა-
თი დაშავების შემთხვევაში კლუბს
თავად უზღიან კომპენსაციას. სა-
დაზღვეო თანხა სპორტსმენის კო-
ნტრაქტის ოდენობაზეა დამოკიდე-
ბული. ჩვენს შემთხვევაში სამივე
ამერიკელი ლეგიონერის დაზღვევა,
სავარაუდოდ 50 ათასი დოლარი და-
ჯდება. მალე შევარჩევთ კომპანიას
და მოლაპარაკებასაც დაიწყებთ.“

ირაკლი პერტაია

2004 წელი	
11 სექტემბერი	საქართველო — ფინეთი
ლუქსემბურგი — მაკედონია	
15 სექტემბერი	ფინეთი — ლუქსემბურგი
მაკედონია — საქართველო	
18 სექტემბერი	ლუქსემბურგი — საქართველო
ფინეთი — მაკედონია	
2005 წელი	
3 სექტემბერი	მაკედონია — ლუქსემბურგი
ფინეთი — საქართველო	
7 სექტემბერი	საქართველო — მაკედონია
ლუქსემბურგი — ფინეთი	
10 სექტემბერი	საქართველო — ლუქსემბურგი
მაკედონია — ფინეთი	



აკადემია ყოჩებს ყოჩები სახვი ვერ დააჭრა

მინი რეზიუმე
13 დეკემბერი
თბილისი. „ლოკომოტივი“

მორავი 21:15 აკადემია-იმალი L
მორავი: გ. სოხაძე, შუბითიძე, კაჭა-
რაგა, ავლოხაშვილი, ფაილოძე, თ.
სოხაძე, გიორგიშვილი; ურუშაძე, მა-
ლაღურაძე, ჯორჯაძე (ცხადაძე), ჩი-
კვაძე, ფალიჩავა, ფირიაშვილი, ალი-
მბარაშვილი, ჭავჭავაძე

75: თ. სოხაძე;
აკადემია-იმალი L: სუთიძე, ქავთარა-
შვილი, ელიზბარაშვილი, პინჩუკო-
ვი, მანხანელი, კიკნაძე, ქობილაშვი-
ლი; პაპაშვილი, ნატრიაშვილი (ჭე-
ლიძე), მინაშვილი, უჩაგა, ნებულა-
შვილი, ბალახაშვილი, ბალანჩივაძე,
დლონტი

85: კიკნაძე;
მსაჯი: ნოდარ რობიტაშვილი



გაგა ჭორჯაძემ „ყოჩების“ გამარჯვებას ლამის ყური შესწირა

საქართველოს ჩემპიონატის ფი-
ნალში — თანდათან „ბზის თა-
სის“ ფინალის სახელს რომ იმ-
კვიდრებს — ერთმანეთს თბილი-
სური „ლოკომოტივი“ და „ყოჩე-
ბი“ შეებმებიან.

„ბზის თასის“ ახალი პატრონის
ვინაობა მომავალ უქმეებზე ვაკეში
გაირკვევა. ამ უქმეებზე კი მეორე
ფინალისტი გამოავლინა მცირე ფი-
ნალმა — „ყოჩებმა“ უდაბნულესი
ჯახი მოუგეს „აკადემია-იმალი L-ს“
და „ლოკომოტივთან“ გადამწყვეტი
შემბის უფლება მოიპოვეს.

მატჩი ისეთი იყო, ორივე გუნდი
დაგენანებოდათ მარცხისთვის, ორი-
ვემ ბოლომდე იომა, ეგაა, ლელო
არ გასულა. უღელლო ჯახის ბე-
დი კი, რაგორც უმრავლეს შემ-
თხვევაში ხდება, ახლაც დამრტყ-

მელემა გადაწყვიტეს.

„ჯონი ჯონი“ — ასეთი შეძახი-
ლებით გააცილეს მოედნიდან ყოჩი
თემურ სოხაძე, რომელმაც რვიდან
შვიდი ჯარიმა გაიტანა და ოცდაე-
რთივე ქულა მარტომ მოუნაგრა მი-
სიანებს. ჰოდა, რა დიდი მიხვედრა
უნდა, რომ უმცროსი სოხაძე უილ-
კინსონს შეადარეს ყოჩელთა აღტ-
კინებულმა ქომაგებმა. ცნობისათვის,
უილკინსონიც და სოხაძეც 25 მა-
ისის არიან დაბადებულები.

აკადემიელებს ვერც ავსტრალიაში
ნაწრთობმა ბორჯღალოსნებმა —
არჩილ ქავთარაშვილმა და ირაკლი
მანხანელმა უშველეს. ამ ფენხარდმა
მოიერიშებმა ორიოდ ეპიზოდში
წაიდრიბლინგეს, მაგრამ მეტოქის
მოჭაპვებმა მალევე გაანეიტრალეს

აკადემიელთა ფრთები. და საერთო-
დაც „ყოჩების“ მბოჭავებმა და მღ-
ლეტელებმა მაგრად იმუშავეს,
მეტადრე რატი ურუშაძემ, ვინც მე-
ტოქის და თავისთანა აუტები ბლო-
მად მოიგო და გაგა ჯორჯაძემ, რო-
მელსაც ჯგლეუთაში ყური მოეხა,
მაგრამ თავპირდასისხლიანებული
ისევე იმ ხორცსაკეპში შესაბრუ-
ნებლად იწვედა.


თავად მატჩში სამჯერ გათა-
ნაბრდა ანგარიში. ჯერ 3:3, მერე
სოხაძემ 12:3 წინ წასწია „ყოჩები“,
მაგრამ აკადემიელთა დამრტყმელმა
დათო კიკნაძემ მეორე ტაიმის დე-
ბიუტში 12:12 გაათანაბრა. ამის შე-
მდეგ სოხაძემ და კიკნაძემ თითო
ჯარიმაც გაცვალეს და როცა ტრი-
ბუნებზე დამატებით დროზე ალა-
პარაკდნენ, „ყოჩების“ „უილკინსო-
ნმა“ თავის მორკინალთა ნაწვა-
ლებ-ნაჯავჯვერალი ორი ჯარიმა
ქულებად გარდასახა და „აკადე-
მის“ პრაქტიკულად იქვე მოუმ-
თავრა საქმე. დარჩენილ ხუთ წუ-
თში აკადემიელებს მარტო ლე-
ლო შევლოდათ, მაგრამ „ყოჩმა“
რატი ურუშაძემ ორჯერ ჩაუშა-
ლა სალელო შეტევა, ყოჩთა სხვა
დამცველებიც კედლად აღიმა-
რთნენ და ფინალამდე არ მიუშვეს
გაცილებით მძლავრი შემადგენ-
ლობის მყოფი მეტოქე.

გადასასვლელი მატჩები

საქსუსო მატჩები	
— 14 დეკემბერი. თბილისი —	ლელო 3:13 უნივერსიტატი
(პირველი მატჩი 21:9)	
— 14 დეკემბერი. ქუთაისი —	აია 29:16 დამთავარი 2
(პირველი მატჩი 29:10)	



„ყოჩების“ „უილკინსონმა“ თემურ სოხაძემ „აკადემიასთან“ ყადემიურად ურტყა



მსოფლიოს ჩემპიონატი. კალაზი

სტრატეგია. 2-14 დეკემბერი

ნახევარფინალი

საზრდაგაბათი 28:26 უკრაინა

ძირითადი დრო 25:25

უგრობათი 40:38 კორეა

მესამე აღმოსავლეთის

კორეა 31:29 უკრაინა

ფინალი

საზრდაგაბათი 32:29 უგრობათი

ძირითადი დრო 28:28

საზრდაგაბათი: ნიკოლი, ფაკე (გაიტანა 5 გოლი), ლეონი (4), როლან-ბევილი (4), კანი (4), ტერევი (4), დე-ლეონი (1), კორფანტი (4), ვოგენი (3), მიარო (2), ვენტილინი (1), პერბრეტი, სენდიე, დუბიაკი

მწვრთნელი: ოლივიე კრუმოლცი
უგრობათი: პალინგერი, გორბიცი (4), ფერლინი (3), ბინცი (2), ლოვაცი (2), კირმენი (1), ბოპუსი, რადულივიჩი (13), კულჩარო (3), ფარკანი (1), სიტო, ტოტი
მწვრთნელი: ლაიოშ მოკსაი



ფრანგი ქალები სიხარულისგან გაგორდნენ

დაგაბათი დროის გეგმა

ნახევარფინალში გასული ოთხეულიდან ყველაზე ტიტულიანი იყო კორეა, რომელმაც ერთხელ (1995) უკვე მოასწრო განმეორება. უგრობათი მონაგარი სიდიის (2000) ოლიმპიური თამაშების ვიცე-ჩემპიონობა, ფრანგებისა — მარშანდელი ევროპიის ბრინჯაოს მედლები. ასეთ სოლიდურ კომპანიაში უჩინ-უმეძღლო უკრაინელები დიპლომატიის ჩანდენ და მათ გათამაშების ამ ეტაპად მძლევაც დიდ წარმატებად ჩათვალათ.

სლავეგოებმა, მართალია, ორივე დასკვნით მატჩი წააგეს, მაგრამ თავი არ შეურაცხებიათ, ბოლომდე ჯიჯირით იბრძოდეს და მსოფლიოს ახალ ჩემპიონებთან მხოლოდ დამატებით, მესამე ტაიმში დაყარეს ფარ-ხმალი. ფრანგებთან მათი დაპირისპირება გამორჩეულად დამბულ-დრამატული გამოდგა. უკრაინელები დასაწყისში აშკარად უკეთ გამოიყურებოდნენ, თავიდანვე დაწინაურდნენ და 23-ე წუთისთვის უპირატესობა ხუთ ბურთამდე გაზარდეს — 12:7. ტაიმის მიწურულს სხვაობა კი შემცირდა — 13:10, მაგრამ შესვენების შემდეგ კარგა ხანს ანგარიში უკრაინას მიჰყავდა. მოწინააღმდეგე მხოლოდ მე-40 წუთზე მოახერხა გათანაბრება (17:17) ვეტერანების, ლეილა ლეონისა და ესტელ ვოგენის ზუსტი ტყორცებით, ხოლო მომდევნო ხუთ წუთში ფრანგები პირველად გავიდნენ წინ — 20:19 და ბოლომდე ინარჩუნებდნენ ლიდერობას. საფინალო სას-

ტვენამდე ერთი წუთით ადრე იანა ხრიპოლიუნასმა თანაფარდობა კი აღადგინა, მაგრამ ოვერტიმში უკრაინელებს ძალა აღარ შერჩათ. მატჩის ბედი მას შემდეგ გადაწყდა, რაც 29 წლის ტანორჩილმა (164სმ) სტეფანი კანომ დამატებით ათწუთულის მიწურულს ორი უპასუხო გოლი გაიტანა.

უნგრელებმაც ექსპრესიული კორეას ორი ბურთით სძლიეს, ოღონდ ამჯერად ოვერტიმში საჭირო არ გამხდარა. უმწვავესად წარიმართა საფრანგეთ — უნგრეთის საფინალო შეხვედრის შემთხვევაში 60-წუთიანი რეგლამენტი საკმაო არ აღმოჩნდა და საქმის გარეშე ისევ დამატებით დროში გაგრძელდა. აღსანიშნავია, რომ ეს გუნდები მარშანდელ ტურნირშიც დაეჯახნენ ერთმანეთს, თუმცა მხოლოდ სამეხუთეადგილოდ. ის თამაში ოვერტიმში ფრანგებმა მოიგეს — 3:30. მათ ახლაც იძალეს, თუმცა ისევ გაჭირვებით, მხოლოდ დამატებულ წუთებში.

გადამწყვეტი მატჩი ზაგრებში, 10 000 მაყურებლის დასწრებით ფრანგებმა ენერგიულად დაიწყეს და ანგარიშიც წაიყვანეს — 3:1, მაგრამ უნგრელებმა, რომლებიც ფავორიტებად ითვლებოდნენ, ათ წუთში ზედხედ შევიდნენ გოლით სოლიდური მარაგი შეიქმნეს — 8:3. ტაიმის ბოლოს ფრანგებმა ჩამორჩენა ოდნავ შეამცირეს — 8:11, მაგრამ მადარებმა ძირითადად თავიანთ მთავარმეგობარ ბოიანა რა-

დულივიჩის ჯანაიანი მაჯის წყალობით შესვენების შემდეგ პრაქტიკულად გამარჯვების ტოლფასი უპირატესობაც მოიპოვეს — 25:18. ოქროს მედლების ბედიც გადაწყვეტილი ჩანდა, მაგრამ დარჩენილ სულ რაღაც რვა წუთში ამხელა ფორა თვალსა და ხელს შუა გაფლანგეს — 28:28, ოვერტიმში კი ფრანგების შეჩერება შეუძლებელი გახდა. თანაც ისიცაა სათქმელი, რომ ხელმძღვანელობა და ფსიქოლოგიურად გატეხილმა უნგრელებმა ბოლო ათ წუთში მხოლოდ ერთი გოლის გატანა მოახერხეს.

ცხადია, მსოფლიოს მე-16 ჩემპიონატის ტრიუმფატორ ფრანგთა მთელი გუნდია საქები, თუმცა მანაც გამორჩეულად ფინალური შეხვედრის გმირები — მეკარე ნიკოლი, ვენდლინი და ლეონი. აღსანიშნავია, რომ ჩემპიონატის სიმბოლურ ვარსკვლავთაქრებში შევიდა ფინალური შეხვედრის ოთხი მონაწილე: ვალერი ნიკოლი (28 წლის) და იზაბელ ვენდლინი (32), სლოვენელი ტანია ოდერი (28), კორეელი ვო სუნ-ჰი (25), უკრაინელი ოლენა ციციკა (28) და ორი უნგრელი, ანიტა გორბიცი (20) და 97 გოლით ტურნირის მთავარი ბომბარდირ ბოიანა რადულივიჩი (30). ბოლოს კი იმაზეც, რომ საგაისო, ათენის ოლიმპიადის მეხუთე, საგზური მოიპოვა ესპანეთმა მსოფლიოს ვიცე-ჩემპიონ ნორვეგიელთა ძლევით — 27:26.

გიან ახალაძე

ქიულო შინაურულად დაბრუნდა

ქიულოსტამბა არმიის სპორტკომპლექსში საქართველოს ჩემპიონატი ჩაატარეს და ეს ზეგაიანი სეზონიც დაასრულეს. შიდა პირველობის ძირითადი დანიშნულება საგაისო სალიცენზიო ტურნირებისთვის გუნდის შეგება იყო, მაგრამ შაბათ-კვირას ნაკრების უმთავრეს კანდიდატთაგან ხალიჩაზე თითო-ორიოლა თუ გავიდა. ზოგს ხელი ტრავმამ შეუშალა, ზოგმაც ჭარბი წონის დაკლება არ ჩათვალა აუცილებლად.

ძირითად კონკურენტთა ერთადერთი უშუალო შერკინება 81 კილოგრამში შედგა, სადაც ფინალში ევროპამოვლილი დავით ნადარია გრიგოლ შინჯიკაშვილს დაეჭიდა. ჩემპიონობა შინჯიკაშვილს დარჩა, მაგრამ ეს მის საბოლოო გამარჯვებას მაინც არ ნიშნავს. ნაკრების მწვრთნელი უახლოეს საერთაშორისო ტურნირებზე ამ ორივეს წაყვანას აპირებს.

დანარჩენ წონეებში გამოსარჩევი ორი ახალი სახის გამოჩენაა. ჭიათურელმა ხეივა ხუციშვილმა (73კგ) და ბათუმელმა ვახტანგ ზოიძემ (+120კგ) ლამაზი ჭიდაობით შოთა ხაბარელის ყურადღება პირველივე შეხვედრებში მიიქციეს და ნაკრების კანდიდატთა სიაშიც ჩაეწერნენ.

სასაიამოვნო სიურპრიზი იყო ბათუმელ მიულისტთა წარმატებული გამოსვლა. ზღვისპირეთში თბილისიდან მარშანდელს ჩასულმა მწვრთნელმა სულიკო ფეიქრიშვილმა რომ კარგი სკოლა ჩამოაყალიბა, მისი შეგირდების მიერ მოპოვებული ორი ვერცხლიც მრწამოს. ზო-

იძის ვარდა ფრანკში ფეიქრიშვილის ვაჟმა ლაშამაც (100 კგ) იჭიდავა. ბათუმელი პროგრესის ფონზე, აშკარად ჩააგდო ჩემპიონატი ქუთაისის სკოლამ. მდიდარი ტრადიციების ქალაქი ამჯერად უმეფლოდ დარჩა.

ოთარ მალაქაძე

Table with 3 columns: weight class, winner, runner-up, loser. Lists winners in various weight classes including 60kg, 66kg, 73kg, 81kg, 90kg, 100kg, and +120kg.

პატარა ნყლის დიდი რეკორდები

დუბლინი, 25-მეტრიან აუზში გამართულ ევროპის მოცურავეთა ჩემპიონატში, რომელშიც საკმაოდ ბევრი 41 ქვეყნის წარმომადგენლები მონაწილეობდნენ, სამი მსოფლიოსა და ამდენივე ევროპის რეკორდი დამყარდა, ევროპის ჩემპიონატების რეკორდი კი შვიდ სახეობაში გაუმჯობესდა. გაცილებით უკეთ იასპარეხეს კაცებმა, რომლებმაც რეკორდების უმრავლესობა დამყარეს. მათგან განსაკუთრებით გამოირჩეოდა სერბეთ-ჩერნიგორიის წარმომადგენელი მილორად კაციჩი, რომელმაც ვაჟთა შორის 100 მეტრზე ბატერფლაით ცურვაში მსოფლიოს რეკორდი დაამყარა (50,02). მსოფლიოს რეკორდით აღინიშნა აგრეთვე ვაჟთა შორის 4X50 მ. კომპლექსური ცურვა, სადაც ყველას გერმანელებმა (რუპპარტი, ვარნეკე, ფრიდრიხი, დემლოვი) აჯობეს — 1.34,46.

თავი ჩეხმა 400 მეტრზე კომპლექსურ ცურვაში იმარჯვა — 4.04,10, პრილუკოვმა 1500 მეტრიან დისტანციაზე თავისუფალი სტილით ცურვაში გამოიჩინა თავი — 14.31,82, რაც მარშანდელ მისსავე ევროპის რეკორდს 0,24 წამით სჯობს. რაც შეეხება ედმონდს, მან 200 მეტრზე ბრასის სტილით ცურვაში იყოჩაღა ევროპის რეკორდით — 2.05,63. ევროპის ჩემპიონატების რეკორდებით გამარჯვებს: პოლანდიელმა პიტერ ვან დენ ჰუგენბანდმა (100 მ. თავისუფალი სტილი — 46,81), სლოვენელმა მედევესკმა (200 მ. გულაღმა — 1.52,60), ფრანგმა ფრანკ ესპოზიტომ (200 მ. ბატერფლაით — 1.51,98), ფინელმა იანი სიევიენმა (200 მ. კომპლექსური ცურვა — 1.55,40).

ქალებში ასეთივე შედეგებით გამოიჩინეს თავი გერმანელმა სარა პოვემ (50 მ. ბრასით — 30,40) და ავსტრიელმა მორნა ვუკიჩმა (200 მ. ბრასით — 2.21,09).

გუნდურ პირველობაში საუკეთესო იყვნენ გერმანელები, რომლებმაც 7 ოქროს, 6 ვერცხლის და 8 ბრინჯაოს მედალი მოიპოვეს. მათ მოჰყვებიან დიდი ბრიტანეთის და ნიდერლანდის გუნდები (შესაბამისად 7,6,1 და 5,1,2).

ამთანდელ ხვრიალი

რეგულარული ჩემპიონატი

Table with 3 columns: date, match details (teams and score), date. Lists regular league matches from Dec 12 to Dec 14.

სკორბულ ჟურნალისგან საერთაშორისო ოლიმპიური კომიტეტის ყოველწლიური საანგარიშო სესია. დასაწყისი 12:00.

REUTERS მონტე კარლოდან




უამოგორღა ურიკა, ყველას რამოურიგღა

მონტე კარლოში საერთაშორისო საავტომობილო ფედერაციის (FIA) ტრადიციული ვალა-დაჯილდოება გაიმართა. ჯილდოები, ცხადია, წლეულს გამორჩეულ მრბოლებსა და გუნდებს ერგოთ. აქ წარმოდგენილ ერთ-ერთ ფოტოზე თქვენ ფორმულა ერთის მეექვსედ მომგებ გერმანელ მიხაელ შუმახერს, კონსტრუქტორთა შეჯიბრში წარმატებული მისი გუნდის, „ფერარის“ მენეჯერ ჟან ტოდტსა და მსოფლიო სარალო ჩემპიონატის გამარჯვებულ ნორვეგიელ პეტერ სოლბერგს ხედავთ. მეორე ფოტოზე სოლბერგი უკვე თავის მეუღლე პერნილას ეზასავება. ყეენობას ასევე თავიანთ ქალებთან ერთად დაესწრნენ ფორმულა ერთის მეორე და მესამეადგილოსნები —


ფინელი კიმი რაიკონენი და კოლუმბიელი ხუან პაბლო მონტოია. თუკი ვინმეს ამ ორი მრბოლის ამოცნობა უჭირს, მაშინ ეგებ მათი ქალების აღწერით უფრო მიხვდეს, ვინ ვინ არის — კიმის გოგო, იენი დელმანი მკლავებმოტიტვლებული დგას, ხუან პაბლოს ცოლ კონის კი მკლავებს გრძელი შავი პიჯაკი უფარავს. აქვე იხილავთ ავტოსპორტის დიად საჭირბოროტო საქმეებზე მოსაუბრე მახვებებსაც — FIA-ს მამა მაქს მოსლისა (მარცხნივ) და ფორმულა ერთის ბოს ბერნი ეკლსტონს. კანადელი მრბოლი ჟაკ ვილნევი კი ამასობაში კვებეკშია და იქაურ სამთო ტრასებზე თხილამურობს — მონტე კარლოში სამისო არც განსხვავებული აღმოჩნდა და არც ჩვეულებრივი.



REUTERS მონტე კარლოდან



REUTERS მონტე კარლოდან



REUTERS მონტე კარლოდან



REUTERS მონტე კარლოდან

სარბიელი
საორტული გაჯეთი
გამოიცემა 1990 ჟღის
28 დეკემბრიდან
გამოდის სამჯაბათს,
ოთხჯაბათს, ხუთჯაბათს,
პარასკეპს და შაბათს

გამომცემელი ზურაბ ჳონცხვირია
დირექტორი ბიორბი ოპრომქაღლიძე
რედაქტორი თამაზ მიბრიაული
რედაქტორის მოადგილე სოსო კოტორაიშვილი
ტექნიკური რედაქტორი მამუკა ბუბაღლაძე
ქართული ფეხბურთის რედაქცია დავით თავართქილაძე, კობა ინასარიძე, პაატა კვანჭალიანი, კახა შალამბერიძე
უცხოური ფეხბურთის რედაქცია: გიო ახვლედიანი, ილია ბაბუნაშვილი, სოლომონ გულისაშვილი, გიორგი დარჯანია, გიორგი ვაშაკიძე, ლადო ხომერიკი, ვაჟა ზუციშვილი

ინფორმაციის რედაქციის რედაქტორი: ირაპლი ჳირაპხილი
ინფორმაციის რედაქცია: ვია ახალაძე, ავთანდილ გურასაშვილი, ლევან კელაურაძე, ოთარ მაღლაკელიძე, ირაკლი პერტაია, ბაიო სვანიძე
ფოტორეპორტიორები: გურამ დოღენჯაშვილი, ბადრი კეთილაძე
სტილისტები: ნათელა გიორგობიანი, ლალი გოზალიშვილი
კომპიუტერული ცენტრი: ლია ბესელია, ხათუნა ბუხუნიშვილი, ელენე გელუტაშვილი, თამაზ გოგებაშვილი, რუსუდან დარსაველიძე, სვეტა დეკუაძე, ფატი დვალისვილი, მაგდა დოგრაშვილი, დავით კვაჭანტირაძე, თენგიზ ფიფუაძე, ზურაბ წერეთელი

რედაქციის მისაგართი:
თბილისი, ალექსანდრე ყაზბეგის გამზირი 42, II კორპუსი, IV სართული.
საჳოსტო მისაგართი:
თბილისი — 79, საჳოსტო ყუთი 208. ტელეფონი: 39 48 29
ელექტრონული ოოსტა sarbieli@gol.ge
ელექტრონული ჳერსია http://www.sarbieli.com.ge